

醫法青篇

醫法青篇

卷之二

燕山琢之陳璞

健菴弟玠

同著

武林門人徐紹熙較正

傷寒

時氣

瘟疫

中風

卷二目

虛勞 傳尸 吐血 咳嗽

醫方

卷之二

燕山

醫方

傷寒症

傷寒症者內經受傷外感風寒乘時而發也其症有  
頭痛惡寒往來寒熱嘔吐身痛等症仲景立三百九  
十七法一百一十三方分別陰陽表裏各經症候無  
非示人以規矩準繩若能精通各經脈法分別表裏  
陰陽虛實寒熱臟腑氣血自有變通則不必拘定成  
方而用也蓋傷寒之症有冬傷於寒邪氣由肺俞穴  
而入伏于華蓋之下至春又感時氣而發者乃為春

溫至夏又染夏熱而發。則為夏熱。至秋又染時氣而發。則為秋溫。至冬風寒重感。相際一年而發者。乃真傷寒也。為內經之症。或從太陽而發。相遞傳經。或直中三陰。或為兩感之重症。當依傷寒本條治之。至於春溫。夏熱。秋溫。以及冬令隨感而發者。皆溫疫時氣。另列專條。分別治之。不可雜入傷寒。而致淆混。以上數條。既形勢相同。而氣情各別。惟當分辨明白。然後用藥。庶不致有誤矣。

傷寒症伏寒在內故有傳經却無傳染

時氣症有傳染而無傳經若有伏寒亦有傳經畧似

傷寒治法亦同

感冒症隨感而發並無傳染亦不傳經

脉訣符反歌訣

傷寒熱病脉喜浮洪

沉微濇小症反必凶

汗後脉靜身涼自安

汗後脉燥熱甚必難

陽症見陰命必危殆

陰症見陽雖困無害

# 傷寒脉論

凡脉浮大滑數皆陽脉也。沉細微弱濡遲皆陰脉也。寸口脉浮為在表。沉為在裏。數為在腑。遲為在臟。按浮為表。沉為裏。古今相傳之法。然沉亦表病。此陰實陽虛寒勝者然也。脉浮亦有裏症。此陽實陰虛水虧之故。凡欲察表邪者。只當以緊數與否為辨。蓋寒邪在表。脉緊數。浮洪有力。即為陽症。若浮洪無力。邪在陰分。即陰症。大凡傷寒之脉。不論浮沉遲數。總以有

力無力為辨故曰有力為陽無力為陰  
脉有十種陰陽兩分即具五法浮沉是脉體大弱是  
脉勢滑濇是脉氣動弦是脉形遲數是脉息大小浮  
沉遲數相等雖有寒熱不辨而陰陽和平雖劇當愈

### 傷寒死脉

寸不至關為陽絕尺不至關為陰絕陰症見陽者生  
陽症見陰者死六脉純弦者死六脉俱虛熱不止者  
死六脉俱盛大汗出熱不解者死脉沉細手足逆冷



譫語妄言者死。脉症相反。譫妄者死。傷寒六七日。脉微手足厥冷。煩燥。反厥陰不還者死。傷寒下利。日十餘行。脉反實者死。

### 太陽經

手太陽小腸  
足太陽膀胱

太陽之為病。脉浮緊。傷寒無汗。脉浮緩。傷風有汗。頭痛項強。脊強。或身痛。或腰痛。或嘔逆。發熱惡寒。發麻。痛皆太陽經症。頭為諸陽之會。氣病則麻。血病則痛。身熱者。寒客皮毛。鬱閉其陽。而後發熱。蓋傷寒始傷。

于寒而終成于熱。惟不發熱而但寒者，邪發于陰也。或寒多熱少，不大便而清泉頻數，或熱結瘴胱而溺澀，或汗多便難，或汗後不解，或汗溺不止，或過經不解，或喘或吐，皆太陽所主，當分別治之。

太陽禁忌：小便不利，不可更利；大便不利，

不可易動；表不解，不可下；不可溫脾胃。

太陽傷寒，傷營，脈浮緊，人迎脈緊，無汗，宜沖和湯。表解，沖和湯。

羌活 防風 川芎 白芷 細辛 生地

蒼朮 黃芩 甘草 加蔥薑發汗。

太陽風傷衛。脉浮緩。人迎微緊。有汗。宜防風湯解表。  
防風湯。

羌活 防風 川芎 白芷 細辛 生地

白朮 黃芩 甘草 加薑棗

太陽傷寒。有夾虛。不能造汗者。仍用冲和湯。加生參  
生芪。又有年老陽氣更衰者。用再造散。以回陽氣。

再造散

人參

炙

黃芪

炙

桂枝

附片

羌活

防風

川芎

白芍

炒

細辛

甘草

加煨薑大棗煎

太陽經寒多熱少不大便。清泉頻數者。以沖和湯去

黃岑生地。加桂枝芍藥干薑。

太陽經汗多便難。宜麻仁湯潤燥。

當歸麻仁湯。

當歸

麻仁

柏子仁

杏仁

桂枝

人參

炙

傷寒太陽

五

黃芪炙芍藥炒炙草 加白蜜一杯引

太陽經熱結膀胱溺澀以沖和湯去蒼朮加茯苓猪

苓澤瀉

太陽經汗後不解宜桂枝黃芪芍藥杏仁甘草湯解之

太陽經汗後汗溺不止者亡陽之症宜加減四逆湯

以救其陽

加減四逆湯

人參炙黃芪炙桂枝 芍藥 五味子 麥冬

干薑 甘草

大陽經發喘嘔吐此肺胃受邪上焦壅遏阻氣為危  
篤之症宜藶子降氣湯。

藶子 前胡 枳壳 杏仁 桔梗 橘紅

半夏 沉香 甘草 加竹茹 薑汁引

以上太陽經症如夏秋溫熱感而發者  
只以蒼葱解表不可用麻黃辛熱恐變  
症多端若係冬寒太甚蒼葱不能發汗

表不解者。當遵仲景麻黃湯。大法發汗

解之。即麻黃桂枝杏仁甘草也。

陽明症

手陽明大腸  
足陽明胃經

陽明之為症。胃家實。舌胎黃黑也。陽明主裏。內候胃  
中。外候肌肉。故有經病腑病之分。如身熱煩渴。目痛  
鼻乾。不得卧。不惡寒反惡寒者。此經病也。宜白虎湯。  
若潮熱譫語。手足腋下。澀澀然汗出。腹滿痛。大便鞭  
者。此府病也。宜承氣湯下之。或脇滿而嘔者。宜橘皮

半夏湯或瘀血發黃者宜桃仁承氣湯下之。或頭痛  
惡寒是太陽未解。仍按太陽方藥。摻用升葛湯解表。  
或下血譫妄亦宜桃仁承氣。或胸煩惛懷宜梔豉湯。  
以上皆陽明主症。當分別治之。

陽明禁忌。不當發汗。不當利小便。

陽明脈尺寸俱長而微洪。經病長而沉。數府病。  
以胃家實。舌胎黃黑為陽之剛領。

加味白虎湯。經病。



知母 石膏 花粉 芍藥 桔梗 甘草

加糯米引。

加味小承氣湯。府病。

枳實 厚朴 生軍 生地 赤芍 當歸

加芒硝名大承氣。加甘草去枳朴名調胃承氣。

橘皮半夏湯。腸滿而嘔。

橘皮 半夏 干薑 蘆連 枳實 厚朴

甘草

桃仁承氣湯。瘀血發黃。下血謬狂。

桃仁炒 枳實炒 厚朴薑炒 生軍 下血加芍藥 實槐

升葛湯。太陽未解。

升麻 葛根 白芍 知母 石膏 甘草 糯米引

梔豉湯。胸煩惺惺。

山梔 豆豉 石膏 甘草

少陽症。手少陽三焦。足少陽胆經。

少陽之為病。脈弦長。口苦咽干。目眩。黃白舌胎。胸脇

傷寒少陽

痛。往來寒熱而嘔。或咳而耳聾。皆少陽經症。當三四日發。以其脉循脇絡于耳。故風熱上壅。則耳聾。若不嘔吐而能食者。為三陰不受邪也。口苦身無大熱。燥悶者。陽去併于陰也。或小便不利。皆少陽所主。少陽居半表半裏之位。有三禁。

忌利小便。忌發汗。忌利大便。

少陽脉尺寸俱弦而滑數者。陽極發厥。弦而和者。病欲散。宜小柴胡湯。各隨仲景本條。加減用之。

小柴胡湯

柴胡 半夏 人參 黃芩 干薑

甘草 大棗

胸中煩而不嘔去半夏加瓜蒌實

腹中痛去黃芩加芍藥

心下悸小便不利去黃芩加茯苓

渴者去半夏加花粉

脇下痞硬去大棗加牡蠣

不渴有微熱去人參加桂枝

咳者去人參大棗加干薑五味。

○太陽陰症。手太陰肺經。足太陰脾經。

太陽之為病。脉沉細。腹滿咽乾。手足自温。自利不渴。有時腹痛。身痛而無頭痛。指甲青。胸膈不快。皆太陰所主。胸滿多痰者。宜吐。傳經腑熱者。宜下。有直中陰經。腹痛指甲青者。宜温。陽經未盡者。有表邪宜汗。腹滿脉虛忌下。當分別治之。

太陽脉寸尺俱沉。沉實有力宜下。沉細無力當温。

太陰症由陽經傳入腑熱手足溫指甲紅脉沉有力  
口渴便實者宜下之。  
加味承氣湯。

芒硝 生軍 枳實 厚朴 甘草 生地

赤芍 當歸 干薑 引

太陰症直中陰經手足冷指甲青脉細無力宜溫。  
桂附理中湯。脉細無力。

人參 白朮 炮薑 甘草 肉桂 附片

四逆湯。手足冷指甲青。

肉桂 附片 炮薑 甘草

瓜蒂散。胸滿多痰宜吐。

甜瓜蒂 赤小豆 藜蘆 防風 鬱金

麻黃附子湯。陽經未盡發熱惡寒宜汗。

麻黃 附片 細辛 桂枝 芍藥

甘草 薑棗引

少陰症 手足少陰心經  
足少陰腎經

少陰之為病。口燥舌乾自利。清水心痛腹脹。但欲寐。

厥逆畏寒欲吐未吐小便清白乾嘔咽痛乃陰毒入  
臟之深也宜溫下利體痛咳嘔者水氣也飲食入口  
則吐厥逆心下實者宜吐脉沉發熱者宜汗脉沉實  
有力當下沉微無力當溫  
四逆湯陰毒入臟

肉桂 附子 炮薑 甘草

如下利體痛咳嘔者水氣也宜吐用承蒂散脉  
沉發熱者陽經未盡宜汗用麻黃附子湯方俱見前



厥陰症。手厥陰心包。足厥陰肝經。

厥陰之為病。消渴氣上冲心。心中痛熱。飢不欲食。食則吐衄。腹痛四肢沉重。厥陰與督脉上行與太陽接。名曰循經得度。陰盡則變而厥逆生。蓋傳經至此已盡。無復可傳。再傳則逆于首經。以其脉循陰器。絡于奸。故唇青舌卷而煩滿。胸中氣滿急而囊縮。急痛引小腹。風熱毒深于內也。奸不移熱。尅脾。脾受賊邪。五臟六腑榮衛不通。故耳聾而厥。水漿不入。不知人。法

當速下。以救五死一生。宜承氣湯下之。

或下利譫語者。內有燥屎也。仍當下之。或嘔而發熱者。和之。或發熱惡寒如瘧。囊不縮。脈微浮緩者。是胃之脈不受邪。榮衛將復。水升火降。寒熱作而汗解矣。或下利腹脹身痛者。當先救表。而後溫裏。或下利清谷。大汗出而厥。四肢痛。小腹急。或乾嘔吐沫。或氣衝心痛。吐虵。發熱渴。消。皆厥陰寒症也。宜溫之。厥陰以裏症為提剛。厥陰主熱。為陰中之陽也。

厥陰脉尺寸俱沉。沉實有力當下。沉遲無力當溫。  
厥陰為病。消渴氣上冲心。心中痛熱。飢不欲食。食則  
吐虺。腹痛四肢沉重。脉沉實有力當下宜  
加味承氣湯。

枳實

厚朴

芒硝

生軍

烏梅

木通  
川椒

厥陰為病。陰器絡于肝。唇青舌卷。煩滿氣急而囊縮。  
急痛引小腹。風熱毒深于內。亦宜承氣湯下之。  
厥陰為病。下利譫語者。腹有燥屎。仍當下之宜。

麻仁承氣湯

大麻仁 柏子仁 杏仁 當歸 枳實 厚朴

生軍 加蜜一 杯煎

厥陰為病。下利清谷。大汗出而厥。四肢疼。小腹急。乾嘔吐沫。氣冲心痛。吐衄發熱。消渴。脉沉細無力。當温加味四逆湯。

附片 黃芪 桂枝 芍藥 干薑 甘草

烏梅 川椒

傷寒厥陰

厥陰為病。下利腹脹。身痛者。先解表。而後溫裏。宜四逆湯溫之。麻黃附子湯解表。或嘔而發熱者。宜黃連湯。

黃連 干薑 人參 半夏 桂枝 甘草 大棗

。兩感

一日太陽少陰病。頭痛口乾渴而煩。二日陽明大陰病。滿不欲食。身熱譫。三日少陽厥陰病。耳聾囊縮。厥逆寒。水漿不入。神昏憤。六日氣盡。命難痊。

兩感之症。脉亂神昏。則為不治。若稍輕。脉尚清者。宜  
大羌活湯。勉而治之。  
大羌活湯。

羌活 獨活 蒼朮 防風 細辛 黃芩  
黃連 防己 知母 川芎 生地 干薑引

○陽症

陽症身輕氣高熱。目睛了了。面唇紅。煩熱。口渴。舌乾  
燥。指甲紅。弓小便紅。

傷寒兩感陽症

熱甚宜白虎湯。裏實宜承氣湯。方俱見前。表實宜  
三黃石膏湯。

黃芩

黃柏

黃連

石膏

梔子

麻黃

淡豆豉

薑棗茶引。

○陰症

陰症身重息短冷。目不了了色不紅。無熱欲臥。厥吐  
逆。小便白。兮指甲青。

陰症寒極。用附子四逆湯。方見前。若寒稍緩。宜

理中吳萸湯

人參

白朮

炮薑

甘草

吳萸

炒

○陽盛格陰

陽盛格陰身肢厥惡寒煩渴大便難沉滑指甲小便

赤汗自清且陰自完

陽盛格陰方同陽症用白虎象氣三黃石膏等湯

○陰盛格陽

陰盛格陽色淺赤發熱不渴厥而煩下利尿清指甲



白。浮微通脉復陽還。

陰盛格陽。方同陰症。用理中。吳萸湯。若脉沉伏宜復脉湯。

人參

天冬

麥冬

五味子

桂枝

茯苓

○陽毒

陽毒熱極。失汗下。舌卷焦黑。鼻烟煤。昏瞶發狂。如見鬼。咽痛唾血。赤雲斑。

陽毒裏實。用承氣湯。表實。用三黃石膏湯。燥渴。白虎

湯熱甚宜

黃連解毒湯。

黃連

黃芩

梔子

麻黃

淡豆豉

金汁引

○陰毒

陰毒寒極色青黑。咽痛通身厥逆寒重。強身痛如被  
伏。腹中絞痛若石堅。

陰毒宜灸氣海關元。並用四逆湯。加人參若陰甚宜  
回陽急救湯。

傷寒陽毒陰毒

十六

人參 白朮 茯苓 甘草 陳皮 半夏

附片 干薑 肉桂 五味子 猪胆 麝香三厘

。陽伏陰伏

陽伏者。頭痛發熱。惡寒無汗。兩手無脈。此為陽伏也。  
宜麻黃湯發表。陰伏者發熱面赤。煩燥而無頭痛。兩  
手無脈。此為陰伏。宜五積散解表。  
加味麻黃湯

麻黃 白芍 桂枝 炙草 川芎 白芷

羌活 防風 豆豉 蔥薑引

五積散

當歸 芍藥 蒼朮 白芷 麻黃 桂枝

干薑 甘草 葱引

○傷寒結胸

結胸者。風傷衛氣。有汗當實表而誤下之。則成結胸。脈浮大而實者。用大陷胸湯。若太陽無汗。此寒傷營。血當發表而誤下之。則成痞滿。脈浮緊。宜小陷胸湯。

若表邪傳至胸中。滿悶。未經下者。非結胸也。正屬少陽部分。懊懣之象。只用小柴胡。加枳桔。如未效。則以本方。加小陷胸一服。豁然。

大陷胸湯。

大黃

芒硝

甘遂

另研沖

小陷胸湯。

黃連

半夏

瓜蒌實

痞感

狐感牙疳下疳等瘡之古名也。傷寒病後餘毒為患。中蝕咽腐。齧脫牙穿。腮破唇毒者為感也。下蝕肛門。陰瘡為狐。其症有面色。目眦皆赤。或白或黑。喜睡潮熱。聲啞腐爛。穢氣等症。宜蘆薈消疳散。

蘆薈 銀胡 胡連 黃連 牛蒡子 元參

桔梗 山梔 石膏 薄荷 羚羊角水磨 甘草

升麻 浸汁引

傷寒 狐感

○百合病

百合病者。為傷寒過期。雷連不解。不分經絡。百脉悉  
合為一病也。其病沉沉默默。精神恍惚。莫知所適。如  
脉數。溺尿頭痛者。六十日愈。溺尿不頭痛。惡風寒者。  
四十日愈。若溺時快然。但頭弦者。二十日愈。宜百合  
湯調治。即小柴胡湯加百合生地也。

○熱入血室

熱入血室者。傷寒發熱未解。婦人經水適來。邪熱乘

虛而入血室也。其症晝明夜譫。見神見鬼。不可誤認。為陽明熱病下之宜。玉女煎。人中白散。擇用玉女煎。

熟地

生石膏

麥冬

知母

牛膝

人中白散。

生地

丹皮

熟軍

桃仁

澤蘭

人中白

○陰陽易病

陰陽易者。男女傷寒病新愈。接交而後病。男病傳女。



女病傳男也。其病少腹急痛。牽引陰中。身少氣。頭目眩暈。四肢拘攣。熱氣衝胸。是其症也。宜視襠燒灰。酒調服。男用女襠。女用男襠。易而服之。又男用鼠矢。女用兩頭尖。即雄鼠矢。研細熟酒沖服。亦效。

### 傷寒變症

傷寒之症。有由太陽而傳入各經者。有直中三陰。又有兩感等症。若初起之時。辨明六經形症。用藥輕重得宜。則速痊而不變症。若分變不清。用藥失宜。輕則

延纏變為壞症。重則難挽而亡。身皆庸醫誤人之所  
致。茲特指出變症各條。以備擇用。

陽明熱邪傳裏。誤投熱藥。而為斑也。宜消斑。青黛飲。

柴胡 元參 黃連 知母 生地 煅石膏

犀角 青黛 人參 山梔 甘草

薑枣煎便秘去人參加大黃人中黃

傷寒漸變神昏不語。目赤唇焦。與水則飲。不與則不  
思。形如醉人。此邪傳入心經。火上逼肺。名曰越經症。

傷寒變症

宜瀉心導赤飲。

黃連

黃芩

犀角

甘草

滑石

麥冬

山梔

茯苓

知母

人參

薑枣燈心煎。加生地汁。浸汁三匙。

傷寒初病。無熱而有狂言。煩燥不可下藥。下則立死。此因邪熱結于膀胱。名曰假狂症。宜桂苓飲。

猪苓

澤瀉

桂枝

甘草

黃柏

知母

白朮

山梔

滑石

人中黃

生薑燈心煎。

傷寒熱症。又手摸心循衣摸床譫語昏沉庸醫誤用  
風藥則熱移于肺氣虛不能主持名曰撮空症小便  
利者可治宜升陽散火湯

人參

當歸

黃芩

柴胡

麥冬

白芍

炒

白朮

炒

陳皮

茯神

甘草

薑棗煎

有痰加半夏。便實譫渴加大黃。泄瀉加升麻。

傷寒已久其熱不退夢寐不寧心驚恍惚煩燥多痰  
宜竹茹溫胆湯。

柴胡 竹茹 桔梗 人參 枳實 川連

麥冬 陳皮 半夏 茯苓 香附 甘草 薑枣煎

傷寒汗下後。熱不退。頭痛脉數實。燥渴宜解毒散。

黃連 梔子 黃芩 柴胡 知母 干葛

羌活 防風 連翹 人參 當歸 生地

甘草 金汁引

傷寒汗下太過。下元虛弱。脉數無力。無頭痛惡寒。身微熱。面赤微渴。目無精光。語言無倫。名曰載陽症。宜

復元湯

熟附

人參

干薑

麥冬

五味

黃連

知母

白芍

甘草

薑葱煎入童便三匙溫服

傷寒大汗後頭眩欲倒筋惕脈來無力是汗多亡陽

宜溫經蓋元湯

黃芪

人參

白朮

附子

炙草

白芍

當歸

生地

肉桂

干薑

大棗糯米煎

頭痛身熱惡寒微渴汗出身痛脚腿酸痛無力脈空

傷寒變症

浮無力。名曰勞力。

炒黃芪 人參 白朮 陳皮 當歸 柴胡

川芎 吳草 羌活 防風 薑棗煎

傷寒下後。表裏俱虛。津液枯竭。心煩發熱。氣逆欲吐。

宜竹葉石膏湯。

石膏煨 人參 半夏 麥冬 甘草 竹葉生薑 糯米煎

傷寒瘧後。昏沉發熱。渴而譫語。失神。此勞復百合症。

宜柴胡百合湯。

柴胡 百合 人參 黃芩 知母 茯苓

白芍 鱉甲 甘草

傷寒攻擊過多。表虛氣喘。口干不食。肢體沉昏。汗出以致亡陽。宜味補中益氣湯。

黃芪加倍 人參 白朮 陳皮 當歸 炙草

柴胡 升麻 白芍蜜炒 桂枝酒炒 枣仁炒 熟附

浮小麦 薑棗煎

傷寒頭痛發熱。口干日輕夜重。此屬陰火動。宜加味



地黄湯。

熟地 山藥 山萸 茯苓 丹皮 澤瀉

黃柏 酒炒 知母 炒

傷寒愈後勞動應事而後熱者名曰勞復宜益氣養神湯。

人參 白茯苓 當歸 白芍 炒 麥冬 知母

梔仁 前胡 陳皮 升麻 棗煎

傷寒有憎寒壯熱頭痛昏沉迷悶上氣喘急口出涎

沫神舍空。別痰生。名曰換痰瘡。

陳皮 半夏 南星 茯苓 枳實 黃芩

白朮 黃連 瓜蒌 人參 甘草

竹瀝薑汁煎

傷寒熱極。鼻衄不止。或吐血不止。宜生地黃芩湯。

生地 黃芩 山梔 桔梗 黃連 柴胡

川芎 芍藥 犀角 甘草

茅根或藕汁或京黑克服。

○傷寒。驗舌金鏡。

叔氏法

舌見骨白。胎薄者。邪在表。太陽症也。宜冲和湯表之。  
舌見黃白。胎不甚厚者。半表半裏。少陽症也。宜小柴

胡湯主之。

舌見黃黑色。胎厚者。邪在裏。陽明症也。脉實宜承氣  
湯下之。脉不實。宜白虎湯解之。

舌見純紅。有黑點。熱毒入胃。蓄熱則發斑。宜升葛  
化斑湯解之。

舌見灰色。中有黑紋。邪入少陰。宜黃連解毒湯。

舌見黃胎。中黑至尖者。熱氣已深。而感症見之。難治。

若胎厚大便唐泄。口渴十死。一生勉力以大羌

活湯治之。

舌見灰黑色。胎厚而有黑紋者。熱毒入深。脈實以承。

氣湯下之。脈不實。渴飲水。宜涼膈散。若糞青黑。

者。不治。

三陰之症。舌胎白者。宜溫。黃者。宜解。黑黃胎厚。仍應。

下之。總以胎薄滑白者。邪在表。病輕。黃黑胎厚邪入裏。病深。黃白胎不甚厚者。半表半裏。宜對六經之症。詳參治之。

溫疫時氣感冒

溫疫時氣者。四時不正之氣。凡人正氣虛。邪氣乘虛而入。如有冬傷于寒。至春又感時氣而發者。為春溫。至夏又感時氣而發。為夏熱。至秋又感時氣而發。為秋溫。如有六經形症。是伏寒在內。當依傷寒門分治。惟不可過汗。如無六經形症。只是發熱頭痛。身痛嘔逆悶亂者。為時氣症。又無伏寒在內。故不可過汗。夏熱更無三陰寒症。尤不可汗。只須清熱解肌而已。故

時氣症

內經云。從寒化熱。寒以伏于陽經。而化為熱也。至於冬溫者。冬令嚴寒之際。而有溫緩。亦不正之氣。如有感受。亦從時氣而治。亦不可過汗。若無溫緩之氣。而感寒發病者。則是真傷寒也。必有六經形狀。是伏寒在內。當依傷寒門治。又有過病傳染者。亦疫氣也。如有六經形症。則是伏寒在內。乘時而發。當從傷寒門治。如無六經形症者。只是正氣虛。而疫氣觸犯。當清解毒。亦不過汗。又有感冒一症。並無時氣傳染。更

無伏寒在內。只是正氣虛。偶過風寒而感。故無六經形症。惟當分別感寒感風之別。感寒者發熱惡寒無汗。頭痛身痛。嘔逆煩渴。宜九味羌活湯解之。感風寒發熱頭痛有汗。鼻塞聲重。嚏涕咳嗽。宜杏蘇飲解之。以上各症。葉案分別。風溫風熱風濕等法。以補前人之未備。用法靈活。當為後世之準繩。

冬溫頭痛腕悶寒熱身痛。以沖和湯解。表見傷寒門。若係感風。鼻塞身痛。頭痛聲重。有微汗。以杏蘇散解之。



杏仁 蘓梗 橘紅 連翹 桔梗 桑皮

冬溫。寒熱頭痛。腕悶。

淡豆豉 蘓梗 厚朴 枳壳 杏仁 桔梗

冬溫。身熱頭痛。形寒。腕悶。身痛。

杏仁 桂枝 廣皮 茯苓皮 厚朴 生薑

春溫之症。如在春分以前者。天氣尚寒。當從冬溫用

藥。春分以後。天氣熱。應從夏熱用藥。

秋溫之病。秋分以前。天氣炎熱。當從夏熱用藥。秋分

之後天氣漸寒。應冬溫用藥。

夏熱溫邪化熱傷肺。多汗不惡寒而惡熱。當用清肌解熱

荆芥 赤芍 生地 牛蒡 元參 桔梗

前胡 羚羊 蟬蛻 黃芩 葛根

蘆根煎水入藥

肺數暮熱。頭痛腰疼。口燥。此屬溫邪。

連翹 淡豆豉 黃芩 黑梔 杏仁 桔梗

蘆根引。

溫邪化熱。肺痺喘急。消渴胸滿。便溺不爽。肺與大腸見症。

黃岑 生地 阿膠 天冬 花粉 蘆根引

溫邪熱入營中。心熱悶。脇肋痛。痰火與邪膠結。米飲下咽昏脹。

生地 麥冬 杏仁 鬱金 川貝

橘紅  
人中黃

少陰伏邪。津液不騰。喉燥舌黑。不喜飲水。法當清解。血中伏熱。莫使液涸。

犀角 生地 丹皮 竹葉 元參 連翹

芭蕉根引

熱入檀中。夜煩無寐。心悸怔忡。舌絳而干。不嗜湯飲。當營中之熱。治在手經。

犀角 生地 黑參 連翹 石菖蒲 遠志

芭蕉根引

溫邪自裏而發。口渴舌心。及滯上焦熱蒙。恐防竅閉。昏瘕。苦寒直降。攻其腸胃。與溫邪上鬱無涉。宜清虛。

清上。

連翹

黑梔皮

牛蒡子

花粉

馬勃

瓜蒌皮

夏枯草

銀花

浸汁

感冒寒邪。發熱頭痛。項強脊強。惡寒身痛。無汗嘔逆。煩渴。宜九味羌活湯。

蒼朮

白芷

川芎

羌活

防風

生地

黃芩

細辛

甘草

薑蔥煎

感冒風邪。發熱頭痛。有汗。嚏涕鼻塞。聲重咳嗽。口苦。

咽乾宜杏蘓飲。

杏仁 柴蘓 半夏 葛根 前胡 桔梗

枳壳 桑皮 黃岑 茯苓 橘皮 甘草 薑棗引

感冒風邪。傷衛寒熱頭痛腕悶。

蘓梗 淡豆豉 杏仁 桔梗 厚朴 連翹

通草 滑石

感冒風邪。外襲肺衛。畏風發熱。咳嗽腕悶。當用兩和表裏

淡豆豉 杏仁 桔梗 蘓梗 連翹 通草

特氣感冒

五

時氣者。過病傳染。疫氣自口鼻吸入。溫乃化熱。先傷上焦。肺陰受病。頭脹汗出。身熱咳嗽。寸口脈大。肺受熱灼。聲出不揚。先與辛涼清上焦。當薄荷味調養。

牛蒡子 薄荷 象貝 杏仁 冬桑葉 沙參

花粉 黑梔皮 金汁

時氣症。左脉實大。頭目如蒙。清竅不爽。風溫在上。宜升降法。

干荷葉 薄荷 象貝 連翹 鈎藤 生石膏

時氣症。風火上。喉。醫。耳。後。結。核。目。眶。痛。

薄荷

牛蒡子

前胡

象貝

連翹

黑梔皮

赤芍

生草

時氣症。溫。邪。化。熱。肺。痺。喘。急。消。渴。胸。滿。便。溺。不。爽。肺。與。大。腸。見。症。

黃芩

知母

生地

阿膠

天冬

花粉  
浸汁

時氣症。脈。數。舌。紫。渴。飲。氣。分。熱。邪。未。去。漸。次。轉。入。血。分。斯。甘。寒。清。氣。熱。必。佐。存。陰。為。法。中。之。法。



生地

石膏

生草

知母

白芍

竹葉  
粳米

時氣少陰伏邪。津液不騰。喉燥舌黑。不喜飲水。法當  
清解血中伏氣。莫使液涸。

生地

犀角

丹皮

芍藥

元參

連翹  
蘆根

時氣症。熱入檀中。夜煩無寐。心悸怔忡。舌絳而干。不  
嗜湯飲。乃營中之熱。治在手經。

犀角

生地

元參

連翹

石膏

炒遠志

芭蕉根

時氣症脉左弦且緊面色光亮而赤舌胎灰黃是夾  
伏温邪。所迫内閉神昏。治當清絡宣竅。

犀角 生地 元參 連翹 磁石 金 小青葉

石菖蒲 竹葉

時氣温邪。自裡而發。喉腫舌心灰滯。上焦熱蒙。最怕

連翹 黑梔皮 牛蒡子 杏仁 花粉 馬勃

瓜蒌皮 夏枯草 浸汁 金銀花

時氣面頰腫脹。牙關緊閉。先有寒脉。右搏數。左小乃

溫邪觸犯。自口鼻上焦先受。氣血與熱膠固。致清竅不利。咽喉結痛。必辛涼輕劑。以宣通。用普濟消毒法。

牛蒡子 連翹 馬勃 射干 滑石 夏枯草

金銀花 浸汁

以上溫熱時氣等症。如有癍痧疹癩者。另有專條。當細察分別治之。如有頭面腫大者。則是大頭瘟。疫外科另有專條。宜分別治之。

溫疫癰痧疹療

溫疫之為病。由四時不正之氣。穢濁流行。凡人正氣  
虛者。從口鼻而入。直行中道。流布三焦。非此傷寒。有  
表有裏之分。邪在上焦者。喉啞口糜也。傳于膻中者。  
神昏舌絳。喉痛發熱。癰疹發現。是其症也。丹疹者。頭  
粒如粟。鮮紅。現而復隱。痧者。疹之細小也。邪入營中。  
三焦相潤。仍恐性速。直走下焦。熱愈結深。即宜芳香  
宣竅。逐穢。鹹苦大製之法。仍恐走下。以輕揚之品。以

浮之。是其治也。癍者有觸目之色。而無碍手之質。稠如錦紋。稀如蚊跡。或布于胸腹。或見于四肢。總以鮮紅發現者為吉。色紫成片者為重。黑者為凶。青者不治。總由瘟疫之邪。蘊于胃腑。而走入營中。有失表者。當求微汗。失下者。清水化毒。營氣不足。助其虛和以托之。至于陰癍一說。其象甚微。若必指定些些之癍。點為陰。尤恐不能無誤。必參脈象。兼可也。癩者。即疹之屬。腫而易痒。廩者。腫起疙瘩。風濕沅注也。皆不外

乎太陰陽明之患。故專以肺胃論治為精也。

癰痧疹癩。肺胃之脉浮而洪數為正。若沉微細

小為凶候。

瘟疫之氣流佈三焦。邪在上者。喉啞口糜。宜犀角地

黃湯。

犀角 生地 元參 連翹 石膏 蒲 銀花

浸汁 煎服至寶丹一錢

瘟疫傳于膻中。則神昏。當以芳香宣竅。逐穢。宜至寶丹。

瘟疫癰痧

犀角 硃砂水飛 雄黃水飛 琥珀 玳瑁 龍腦各

水安息香一兩無灰酒熬成膏如無以早安息代之 金銀箔各五十片

共為細末。以安息香膏和勻作百丸。蜡護。臨用

以參湯下之。

瘟疫邪入營中。三焦相燭。熱愈結深。宜鹹苦之製。恐

直走下。當以輕揚之品。以浮之。

元參 西瓜翠衣 金銀花露 瑩白浸汁

瘟疫入于心胞絡。初病喉痛舌燥。最宜竅閉神昏。

元參 連翹 鬱金 銀花 石菖蒲 藜蘆

射干 牛蒡子 浸汁

瘟疫邪佈三焦。弥漫神識。咽痛丹疹。舌紅神燥。暮昏  
上受穢邪。逆走膻中。當清血絡。以防結閉。

犀角 連翹 生地 元參 菖蒲 鬱金

銀花 浸汁

癍症稠如錦紋。或佈于胸。或見于四肢。是瘟疫之邪。  
蘊于胃腑。走入營中。

瘟疫癍痧



羚羊 犀角 連翹 元參 生地 銀花

花粉 石膏 蒲 浸汁

痲症失表發寒熱口渴飲熱痲已發現當以微汗。

桂枝 川連 黃芩 花粉 牡蠣 枳壳 盧根引

痲症失下飲水口渴不解夜煩不寐用清火化毒之解

連翹 薄荷 杏仁 鬱金 枳實 牛蒡

山梔 石膏 芭蕉根引

痲疹營氣不足者色不解明或隱或現者助其虛而

和以托之

生地

丹參

白芍

當歸

犀角

連翹

元參

痧疹腫而易痒乃肺胃之風温也。

薄荷

連翹

杏仁

牛蒡子

桔梗

桑皮

山梔

赤芍

甘草

蘆根引

痧疹濕熱內蘊便閉不通先開上焦。

杏仁

蘓子

瓜蒌皮

紫苑

山梔

浸汁

瘟疫痧疹

四

痧疹暴寒驟加伏熱更熾邪鬱則氣血壅遏痧疹不  
肯外達痰氣交阻神迷喘促漸入心胞絡有內閉外  
脫之憂熱注下迫自利粘膩法當開其結閉消毒解  
其壘中之壅必得神清方保無變。

連翹 飛滑石 粵蒲 銀花 射干 木通

煎化牛黃丸一丸

痧疹涼風外襲伏熱內蒸于肺喘咳身熱如先而晝  
熱繼而暮熱自氣分漸及血分銀內紫而飢壘發疹

宜辛寒清散。

薄荷 連翹 石膏 淡竹葉 杏仁 浸汁

桑皮 苡仁

痧疹之後痰多咳嗽喘急。

蘆根 桔梗 飛滑石 桑皮 通草

痧疹後伏火未清內熱身痛。

玉竹 沙參 地骨皮 川芎 麥冬 甘草

痧疹後熱不止陰傷。

生白芍 炙草 生扁豆 炒麥冬 川解 谷芽

生地

痧疹發表。頭面不透。是外蘊為寒。內伏為熱。肺病主  
衛氣分兩解。

麻黃 石膏 牛蒡子 枳壳 杏仁 射干

桔梗 橘紅 通草

痧疹環口燥裂。面頭身半以上。癍疹赤紋。乃陽明血  
熱。久蘊成毒。瘦人偏熱。

犀角 生地 芍藥 丹皮 浸汁  
痲疹溫邪。自利癰疹。

黃芩 連翹 牛蒡子 桔梗 香豉 薄荷

杏仁 橘紅 通草

療症熱腫獨現于秋冬。春夏漸消者。固夏令陽氣宣  
越。營衛行故愈。秋冬氣凜外薄。氣血凝滯。漫無發泄。  
乃陽明木火之鬱。法以辛涼佐以苦寒。

夏枯草 鮮菊葉 苦丁茶 鮮荷葉邊 羚羊角 苡仁

黑山梔 鬱金

瘰癧症麻木。忽而高腫。必有風濕襲入皮膜。乃軀壳病。以宣行通劑。

片薑黃 羚羊角 桂枝 煥芎 半夏 白芥子  
瘰癧症 風塊 瘰癧 瘰癧 咳嗽 腹痛 邪着表裏。

牛蒡子 杏仁 連翹 桔梗 桑皮 蒙貝  
煎湯服通聖丸

中風

風之謂言中也。肥人氣居於表。中氣必虛。上不生金。金氣漸薄。肝無所畏。風木乃淫。乘其中虛。外邪襲之。脈來浮緩。四肢不收。言語蹇澀。黃汗發出。為其中風也。先宜解表。然後分六經形症治之。若只是中虛。肝風內乘。並無外邪襲入者。為數中風。不必解表。輕則頑麻不仁。重則癱瘓不用。心病痰火。輕則舌強難言。重則痰壅神昏。此症或內外單病者。輕。若二症相兼。



者重。當細辨其中絡。中經。中腑。中臟。及中經絡。兼中  
腑臟。並細審其無虛。無實。兼熱。無痰。閉症。脫症。之分。  
初中卒倒。先宜通關散。取嚏。有嚏可治。無嚏不可治。  
口噤者。用開關散。擦牙。軟之。痰涎壅盛者。用吐法吐  
之外。有六經形症者。分別表裏治之。  
閉症者。牙關緊閉。手足踞緊。痰涎壅塞者。先宜通  
關散。擦牙。醒後。按症施治。  
脫症。開口為心絕。閉目為肝絕。撒手為脾絕。鼻衄為

肺絕遺尿為腎絕。犯此五絕者不治。或有二三者當  
大進參附並灸氣海關元以還陽氣。

中風脉浮緩遲為順為吉。堅大緊急者為逆為凶。故  
曰中風之脉却喜浮遲。堅大堅急其凶可知。

### 中風死候

六脉皆平。卒中而厥者。是中邪太甚。閉塞九竅。如脉  
來一息七八至者。不大不小。雖困可治。若大而無論  
小而如織浮。或沉俱死。五臟脫症。若見三四臟絕。搖

頭上竄氣長嘔喘。汗出如油。痰拽如鋸。肉脫筋痛。髮直者。皆死候。

通關散

南星 皂角 細辛 生半夏 薄荷

共為細末吹鼻

開關散

烏梅肉 水片 生南星 共為細末 擦牙 其禁可  
開 又用巴豆油 皂角末 搽紙 燒烟 薰鼻 自省 取  
皂尿 點在舌上 言語自易

痰涎壅盛通吐

瓜蒂 藜蘆 防風 若有裏症用瓜蒂赤小

豆全蝎甚則用五元散

藜蘆 赤小豆 白礬 皂角 鬱金

中風在經絡口眼歪斜偏枯偏廢者宜

大秦芫湯

秦芫 白朮 茯苓 熟地 白芍 川芎  
當歸 生地 石膏 羌活 獨活 白芷

細辛 黃芩 防風 甘草

中風在經絡。八風五痺。風濕熱淫。營衛不通。宜

小續命湯。

麻黃 桂枝 杏仁 芍藥 人參 當歸

川芎 防風 防己 黃芩 附片 石膏

知母 甘草

中風經絡空虛。偏癱癱軟。語蹇舌軟。神濁舌強。此衛虛

黃芪五物湯

黃芪 芍藥 桂枝 當歸 牛膝 虎骨

附子 木瓜 薑棗引

中風在腑。昏冒閉滿。氣實。二便阻隔。腹腸者。用

三化湯

枳實 厚朴 生軍 羌活

中風在臟。唇緩涎出。不語不知人。偏廢重。用參附湯。

以救其陽。十全四五。恐防五脫。

中風血脈。四肢不收。無痛癱偏枯。其言不變。志不乱。

中風

四

者。宜地黄飲子。以活血脉。

地黄飲子

熟地

黃芪

桂枝

附子

茯苓

巴戟

遠志

山萸

石斛

麥冬

五味

薄荷

石菖蒲

茯苓

中風之症。若無六經形症。或肢體麻木。或偏枯不仁。乃血氣有虧。內風發現。當培元氣。所謂急則治其標。緩則培其本也。

偏枯在左脉緩大是血不榮筋內風襲絡宜  
歸身首烏丸

歸身 何首烏 枸杞 淮牛膝 明天麻 三角胡麻

黃菊 川石斛 黑豆皮

用梨藕菜服三汁熬膏加蜜為丸早服四錢

右肢偏痿舌本絡強言語蹇澀神憤如寐脉細為臟  
陰虧營液耗先用復脉湯以復脉氣後症再以參芪  
湯治之



復脉湯

人參

麦冬

天冬

五味

茯苓

生地

參芪湯

人參

黃芪

白朮

廣皮

歸身

天麻

南枣

煨薑

炙草

冬加附子

年老神氣遺尿乃下虛不納議與潜湯宜

龜地湯

龜版

熟地

淡菴蓉

虎股骨

淮牛膝

炒枸杞

黃柏

中絡舌暗不言。痛自足起漸上麻木腹脹已屬痼疾。  
宜益氣養血絡。

養榮湯

人參 白朮 茯苓 枸杞 當歸 白芍

天麻 桑葉

男子偏右麻木日久口眼歪斜乃虛風內動宜以固  
衛氣用參芪湯方見前

靡中經年。眩暈汗出。陽氣有升無降。內風發動。夜不寐。是衛陽不交。營陰為沉澀之症。宜

芪桂湯

生芪

桂枝

熟附

遠志

以

龍骨

煨

牡蠣粉

薑棗引

水虧風動。舌強肢麻。中絡之象。當補下復上。

地黃茯苓丸

熟地

淡茯苓

杞子

牛膝

遠志

五味

羚羊角

茯苓

麥冬

石菖蒲

煉蜜為丸

先

肝風內動眩暈跌仆左肢偏痿舌絡未和呼吸不爽  
痰火上壅根本下衰先宜清上痰火  
加味二陳湯

橘紅 半夏 茯苓 桂枝 羚羊角 鬱金

竹瀝 薑汁

痰火脉左數右弦緩形盛氣衰內風目熾左肢麻木  
不仁舌歪言蹇宜清痰火  
星橘二陳湯

陳胆星 陳橘紅 羚羊角 丹皮 連翹 石菖蒲

川斛 鈎藤

四肢不舉其脉緩大而有力者土太過宜平胃五苓散主之脉細無力者土不及補中益氣主之若身體痛者為挾濕熱宜

當歸拈痛湯

當歸 人參 白朮 蒼朮 茯苓 猪苓  
羌活 防風 升麻 葛根 知母 茵陳

苦參 甘草

善飢多食，風木太過，凌虛中州，法當瀉肝安脾，則復其常宜。

加味四君湯

人參 白朮 茯苓 甘草 青皮 芍藥

柴胡 山梔

凡人五指次指麻木不仁，三年之內必患中風，預預防之，以十全大補常服，至指無麻木為止。

中風針灸穴。

風池

百會

曲尺

合谷

肩髃

風市

絕骨

足三里

環跳

氣海

關元

虛勞

虛勞者。氣血皆虛。五勞七傷之為病。五心煩熱。遺精  
漏下。形容削瘦。膝酸骨痠。疾行則喘。手足逆冷。腹滿  
溇泄。咳嗽吐血。虫瘕傳尸。皆勞症也。

五勞者。五臟受傷。心勞而為虛汗怔忡。肝勞而為痛  
痺拘攣。形冷悲哀。肺勞而為氣急喘嗽。動作傷形。思  
慮傷意。脾勞而為食少多痰。形羸神倦。腎勞縱情房  
室。而為骨蒸遺泄。故勞者必因虛也。重在脾腎二經為



根本之源。若脾腎能復。則生生之益。各經皆復矣。故當先治脾腎。方可收效。

七傷者。七情所傷。食傷。憂傷。欲傷。勞傷。飢傷。勞傷。氣傷也。畜血在內。結氣在中。陰虛發熱。陽虛汗出。虛勞既甚。百病叢生。故有形瘦骨蒸。咳嗽吐血。遺精。閉等症。當從氣血先治。方可收效。

脈訣云。勞倦內傷。脾脈虛弱。汗出。脈燥。死症可察。骨蒸者。發熱也。心熱在肌內之上。重按之則不熱。日

中尤甚其症心煩熱痛掌中熱舌破消渴心胸間汗  
此因腎水有虧不能制火虛火上炎而為心熱法當  
壯水以退骨蒸宜清骨飲去胡連加茯苓牡蠣阿膠  
肝熱者按至肌內以下着於筋骨之間宜卯時充  
甚多怒多驚頭暈耳聾頰腫面青目弦善瘕此因木鬱以致  
起小腹痛嘔逆作酸暈疝目弦善瘕此因木鬱以致  
肝陰有虧宜開鬱振肝和血宜逍遙散加鱉甲牡蠣  
地骨清蒿

肺熱者。輕手即得。畧重則無。日西尤甚。其症喘咳善  
嚏。善悲。缺盆胸中肩背痛。臍右脹痛。小便頻數。皮膚  
痛。及麻木。此因肺氣不能宣達。宜復脈湯。加桂枝。廣  
皮。黃芪。百合。柴苑。  
脾熱者。不輕不重。肌肉之間。過夜尤甚。其症急惰嗜  
卧。四肢不收。泄瀉便溏。面黃舌強。口甘。逆不食。善  
寐。善飢。腹脹。臍痛。腸鳴。內痛。足腫。此因脾土衰敗。宜  
用助火生土。用四君。加益智仁。茯苓。白朮。故紙。

胡桃肉

腎熱者按至骨乃熱。亥子時尤甚。其症腰膝脊痛耳  
鳴。泄瀉遺精。二便不調。骨痿不起。目昏面黑。口干咳  
嗽。飢不欲食。腹大脰腫。腎痛陰下濕痒。手指青黑。嗜  
卧。四肢不收。此陰因虛。命門火衰。宜鹿潛丸。加鹿茸。  
紫石英。以理奇經。

以上五臟發熱。若久不愈。女子不月。傳為風消。下為  
痿厥。男子傳為革索。額疝。在上咳嗽。隔塞。下為脫泄。

皆死症。咳嗽五臟受病。久嗽不止。則傳於六腑。若咽痛失音。此乃下傳上也。不嗽不痛。溺濁脫精。乃上傳下也。皆為不治之症。

虛勞咳嗽者。有肺勞虛損而為虛嗽。有命門火衰。腎水泛疾。咳嗽有脾土衰敗不能盛濕。而為咳嗽。皆因虛勞而致。有諸嗽。其餘心肝二經。雖有咳嗽。而不因虛勞。故不多贅。當於咳嗽專門推求。至於吐血。形症繁多。另有專門。女子不月。傳為風消。應於婦科經閉。

門惟求男子傳為畢索顏疝遺精等症亦有專門均  
應燕叅分別治之可也。

肺勞虛損而嗽者。面多色白。喘急。右脇脹悶。是火尅  
於金。宜補肺散。加沙參。枇杷葉。甚者。宜復脈湯。去桂  
枝。加杏仁。白芨。

命門火衰。腎水泛痰。咳嗽。其聲空。痰少。色黑。腰背痛。  
形瘦。面黑。是督任損傷。宜補命門。兼理竒經。以班龍  
丸。龜版。鱉甲。

脾土衰敗不能盛濕。而為咳嗽者。形瘦神倦不食。咳  
不已。宜加減歸脾湯。

虛勞。女子經閉。先宜疎通血脉。以逍遙散。加減用。男

子遺精。先宜清心止遺。以蓮子清心飲。加減用。

清骨飲 心熱骨蒸

銀胡 鱉甲 青蒿 地骨皮 知母 秦朮

胡連 甘草 藕節引

加味道遙散 肝熱

當歸 白芍 銀胡 茯苓 白朮 甘草

鱉甲 牡蠣 地骨皮 青蒿

加味復脈湯 肺熱

人參 天冬 麥冬 茯苓 五味 廣皮

桂枝 黃芪 百合 紫苑 甘草

加味四君湯 脾傷溫補

人參 白朮 茯苓 炙草 益智仁 覆盆子

巴戟 破故紙 胡桃肉 元眼肉



加味虎潛湯 腎傷。

熟地

虎胥骨

龜版

黃柏

知母

瑣陽

當歸

牛膝

白芍

陳皮

鹿茸

紫石英

羯羊膠

加味補肺散

人參

麥冬

阿膠

馬兜鈴

牛蒡子

杏仁

沙參

甘草

枇杷葉

糯米引

加味班龍丸

腎咳

鹿角霜 鹿角膠 鹿茸 栝子仁 菟絲子 補骨脂

核桃肉 車前子 枸杞子 澤瀉

加味歸脾湯 脾咳

人參 焦白朮 黃芪 歸身 茯苓 建蓮肉

芡實 苡仁 五味 木香 煨

加味清心飲 遺精

石蓮子 生地 人參 麥冬 茯神 石菖蒲

知母 澤瀉 龍骨 牡蠣 木通

虛勞

六

虛勞者。病之深重也。若形體衰甚。氣脉難復。則為不治。若形體未衰。氣脉可復。當按前法。分別臟腑。詳細推求。更須分別次第。先宜退熱。次以止嗽。再調氣血。女子經閉。先宜竦通。男子遺精。清心止遺。然後分臟腑。理脾滋腎。調肝補氣。一有不應。或愈後復反。則不治。今觀葉氏醫案。虛勞用法最詳。如煩勞傷氣者。用治上。治中。如縱慾傷精者。當治下。而兼八脉。又須知填補精血。精氣之分。益火滋陰之益。或靜攝任陰。溫

理奇陽或因他症失詞蔓延而致者當認明原委隨其機勢而調之以體質陰陽為要領以先天後天為生死斷訣。

虛勞諸症。

陰 虛

陰虛陽浮

陽

虛

陽虛奇脉兼病

陰陽並虛

上損及胃

下損及中

脾腎兼虛

胃虛嘔泄

陰虛陽浮

兼胃陰虛

營 虛

勞傷心脾

中

虛

腎虛不納

氣滯升降阻

虛勞

七

肝腎衝任皆虛 勞力傷脾胃 勞力傷經脉

陰症

少年精氣未旺。致奇經網維失護。當以血肉充養。

牛膝 骨髓 枸杞 茯苓 當歸 湖蓮子 芡實

腎脉損傷。宜六味加麋角膠。秋石川石斛膏攝陰。佐以益氣合補三陰之臟。

人參 熟地 炒枸杞 五味 牛膝炭 建蓮

山藥 芡實

交夏潮熱。口渴肌膚甲錯。此屬陰虛骨熱。

生鱉甲 銀胡 青蒿 黃苓 知母 丹皮

女子天癸未至。入暮寒熱。此先天真陰不足。為損怯延挨之病。腹脹減食。治在太陰厥陰。

熟白朮 生厚朴 當歸 丹皮 黃苓 生鱉甲

此一通一補之法。白朮補太陰。厚朴通陽明。當歸補厥陰。丹皮泄少陽。黃苓清氣分熱。鱉甲滋血分之熱也。

脉尺垂少藏。唾痰灰黑。陰水內虧。陽火來乘。皆損  
怯之盟。可冀胃旺加餐。病可却矣。

熟地 天冬 茯神 遠志 山藥 建蓮

芡實 秋石 猪脊隨丸

○陰虛陽浮

遺濁已久。腎陰為虧。消爍龍雷。不肯潛伏。於冬令  
收藏之候。反升清空之所。肺傷為痺。凡嗔怒誦讀  
皆是動陽助熱。宜益水涼之弱。制火炎之熾。早用

六味減丹澤。加阿膠。秋石。龜膠。牡蠣。湖蓮。勻。入下  
潛陽。滋補。清固。卧時服。補心丹。宣神解熱。俾上下  
得交。經年可成。

又脉數入尺。寒中。此陰精未充。陽失潛藏。汗出。吸  
短。龍相內灼。肺受薰蒸。嚏涕交作。兼之胃弱。必谷  
精濁下注。溺管痛。肝陽吸其腎陰。善怒多鬱。宜有  
情之屬。以填精。

牛骨髓 羊骨髓 猪脊髓 麋角膠 熟地 人參



雙肉 五味 芡實 湖蓮 山藥 茯神

金櫻粉 膠髓為丸

脉細石空。色奪神天。聲嘶乃精傷於下。氣不攝固。咳汗營怯。宜大造丸。

紫河車 龜板 人參 熟地 天冬 麥冬

黃柏 牛膝 杜仲

厥陽上衝。心痛振搖。消渴齒血。都是下焦精損。質重味厚。填補空隙。可冀其效。

熟地 五味 茯神 建蓮 艾實 山藥

人乳粉 秋石 精半向膠為丸

肝厥用鹹味入陰水生木體是虛治法夏令大氣  
主泄因勞病發必以靜養陰陽自交宜介類潛陽  
佐酸味以斂之

熟地 山萸 栢子霜 五味 鎖陽 淡菜膠

海參膠 阿膠 龜板膠 茯苓 湖蓮 艾實 青鹽

陰精下損。虛火上炎。脊腰脾痿痛。髓空。督帶諸脉。

不用。法當填髓充液。

熟地 枸杞 魚膠 五味 茯神 山藥

湖蓮 芡實 金櫻膏丸

喉痺目珠痛。吸氣短促。曾咯血遺精。皆陰不內守。孤陽上越。諸竅當填下和陽。

熟地 枸杞炭 旱蓮草 菊花炭 女貞子 茯苓

有形血液從破傷而損神氣。無以擁護。陽微畏寒。奇脉少。精乏氣行步歇。斜健忘。精氣內奪。宜補陽法。

陽虛

人參 鹿茸 歸身 炒杞子 茯苓 沙苑

少年形神憔悴。身體前後牽掣不舒。此竒經脉  
海之氣少。陰腎病宜補。

淡菝菰 甘枸杞 當歸 牛膝 沙苑 茯苓

陰陽二氣不振。夏令裏虛。藏聚未固。必加煩倦。熱  
則傷氣。當以益氣為主。通攝下焦。用青囊班龍丸。  
早服。

鹿茸 鹿角膠 鹿角霜 赤茯苓 熟地 補骨脂

菟蓉 五味子 晚服歸脾湯去木香加枸杞

女科必論調經。婦人必究孕育。若久不得胎。病在

至陰之臟。延及奇經八脉。肚瘍久漏。都是下損。

人參 鹿茸 紫石英 當歸 茯苓 補骨脂

東艾湯為丸

陽虛奇脉兼病

辛溫臍潤。乃柔劑。虛勞傷腎。八脉癱弛。宜升陽法。

鹿茸 茯苓 歸身 枸杞 柏子仁 菟絲子

杜仲 沙苑

先天稟弱。幼年損怯。過勞而發。寒熱即內陽維脈衰。不司護衛。下部無力。宜調八脈。

鹿茸 枸杞 歸身 巴戟 沙苑 茯苓

茴香 羊肉膠丸

○陰症病虛

衝氣貫脇上咽。形體日漸枯槁。此勞傷脾而成。

損怯。由乎精氣不生。厥氣上逆。宜通攝陰。

茯苓 熟地 五味 杞子 栝子霜 茯苓

桑椹子 砂仁 青鹽 羊肉膠丸

奸腎損傷。八脉無氣。未老衰憊。宜通陽守陰之法。

淡茯苓 熟地炭 鹿角霜 五味子 栝子仁 茯苓

搖精驚恐。奸腎臟陰大泄。陽不附和。百脉之氣損

傷。非血內有情。難以歸復。

熟地 枸杞 當歸 五味 遠志 龜版

鹿鞭 羊肉膠

脉虛細夜熱晨寒煩倦口渴汗出臟液已虧用仲  
景甘藥之法滋陰復脉

炙草 人參 阿膠 炙麻仁 生地 麥冬

桂枝 白芍 五味子 飴糖

臟陰已虧八脉無力腕中微痛臍中動氣決非滋  
臟涼藥可服宜大建中溫養真元壯其奇脉為通  
細方法



人參 生於木 茯苓 炙草 熟地 歸身

白芍 淡菴蓉 枸杞 肉桂 五味 煉蜜為丸

上損及胃

婦人背寒。心熱。胃弱。必餐。經期仍至。此為上損。

生地 茯神 炒麥冬 生扁豆 甘草

下損及中

脉細。屬臟陰之損。畏寒怯冷。少年陽氣未充。夏令暴瀉。是時令濕熱。未必遽然虛損。若令谷減形瘦。

步履喘息勞怯顯然當理脾腎

早服八味丸 晚服異功散

入夏發泄主令下損以及中焦。減谷形衰陰傷及陽畏冷恐防泄瀉。必需胃藥。晚服參朮膏。早服封固佐升陽。

鹿茸

鹿角霜

熟地

生菟絲

人參

茯苓

菼子

補骨脂

枸杞子

柏子霜

煉蜜為丸

脾腎蒸虛

勞怯形色奪。消減少食。便滑兼痰。喉痛。病人述心  
事操持。病加顯然。宜補脾腎。

人參 坎炁 茯苓 黑建蓮 五味 芡實

### 山藥汁丸

### 胃虛嘔泄

勞損加以煩勞。肉消形脫。潮熱不息。胃倒泄瀉。衝  
氣上攻。則嘔。

人參 訶子 赤石脂 蒸烏梅 廣皮 炒粳米

陰虛陽浮。兼胃陰虛。

冲年久坐。誦讀五志之陽。多升咽乾內熱。真陰未能自旺。於本宮於脉寸口動數。怕有見紅之慮。以甘寒緩熱為隱。不致胃枯耳。

生地 天冬 女貞 茯神 炙草 糯稻根鬚

營虛

誦讀身靜心動。最易耗氣損營。心脾偏多。不時神煩心悸。頭眩腕悶。故有調養灌溉營陰。俾陽不升。

虛勞

十五

越。恐擾動絡血耳。

淮小麦 南枣 炒白芍 栝子仁 茯神 炙草

肺弦脇痛引及背部。食減此屬營損傳勞。

桂枝 白芍<sup>生</sup> 炙歸身 茯神 生牡蠣<sup>南枣</sup> 煨薑

勞傷心脾

脉左甚倍右。君相上亢莫制。因操持勞思所傷宜

靜養。 荆芥 蘇子 杏仁 枇杷 桑白皮 地骨皮 黃芩 芍藥 木

生地 元參 天冬 丹參 茯神 鮮蓮肉

○中虛

神傷精敗。心腎不交。損當治中。用參朮膏米飲。

○腎虛不納

中年衰頹。身動喘。脉細無神。食減過半。乃下元不  
主納氣。五液蒸變。枯涎未老先衰。即是勞症。

人參

坎炁

胡桃

炒菟絲

茯苓

五味

砂仁

山藥汁丸

氣血滯升降阻

勞傷氣分。痺阻則上焦。清空諸竅不利。初病在氣。久則入血。身痛目黃。食減當兩和氣血。

旋覆花 細辛 前胡 荆芥 紫蘗 杏仁

赤芍 炙草 桃仁 歸鬚 姜皮

肝腎衝任皆虛

婦人失血。咳嗽暮熱不止。經水仍來下。孕乃奸腎。任衝皆損。二氣不交。為勞治以攝固。

河車膠 黃柏 熟地 淡蓯蓉 五味 茯神

丸 蜜

勞力傷脾胃

勞力陽傷。延以及中。狀如反胃。交會失序。遂有寒熱。脫力損傷脾胃。半屬坤土。宜霞天膏。即牛四熬膏。

勞動傷經脉

奔走之勞。最傷陽氣。能食不充肌膚。四肢寒冷。乃經脉之氣。不能貫串於四末。宜通經絡。

茯苓 當歸 杞子 茯苓 川芎

沙苑  
黃繕一茶為丸

久虛不復。謂之損。損極不復。謂之勞。此虛勞損三者。



相繼而成也。參其致病之由。原非一種。考仲景之法。以建中為要。東垣丹溪。每以參朮重用。景岳以命門陰分不足。是為陰中之陰虛。以左歸丸為主。命門陽分不足者。為陰中之陽虛。以右歸丸為主。葉案用三才固本。天真大造。桂枝龍骨牡蠣。復脈芩湯。以及固攝諸方。平補三陰。兼治五臟一切之虛。而大開後人聾聵。可為損症之一助也。

虫瘕傳尸勞

傳尸者。鬼作祟。穢音穢而為虫也。凡人元氣虛衰。或因吊喪問病。登塚入廟。邪祟乘虛憑依為患。漸至生虫。食人臟腑。神氣昏悶。無處不痛。脉則左右不齊。乍大乍小。乍疎乍數。五日一退。如蚕之眠。病則乍靜。治之候其退時。上旬虫頭向上。治之有功。虫在人身。先食人脂膏。虫色白。肺受侵傷。皮髮落。七十日後。食人血肉。虫色黃赤。一百二十日後。食人精髓。虫身生毛。五

采傳之三人。即能自飛。出入自如。隱現莫測。雖有良法。莫能治矣。經云六十日。治得十之七八。九十日。治得十之三四。百日後不可治也。惟當逐<sup>搜</sup>為後除害耳。傳尸之症。沉沉默默。無一而可。漸就羸困。至於死亡。又傳旁人。乃至滅門。又傳他姓。慘毒之禍。聞者駭心。辨驗之法。用乳香。焚薰病人之手。令其仰掌。以帛覆之。薰至良久。手皆生毛。長至寸許。白黃可治。紅難治。青黑者死。若薰之無毛者。非傳尸也。又法用燒安

息香令烟出。與病人吸之。嗽不止者。乃傳尸。如不嗽。非傳尸。嗽不甚亦非也。

驅虫方。用室女頂門活髮。洗去油垢一兩。紙燃燒存性。川芎當歸各五錢。木香桃仁各三錢。安息香雄黃各一錢。全蝎二枚。大黑魚頭一枚。醋炙。共為末。分作四服。每服以井水一大碗。於淨室中。煎至七分。入降香末五分。燒北斗符入藥。月初旬五更空服。向北仰天咒曰。癘神癘神。害我生人。吾奉帝敕。服藥保身。急

急如律令。咒五遍。面北服藥畢。東面吸生氣入口腹中。燒降香置床下。午時又如前服藥念咒。

### 北斗

熬

用黃紙一方。新筆淨水研硃砂書

### 符式

此符書時亦須念前咒。候焚燒入

藥中。面北念咒服之。

右依法服之。蓋取汗。汗中有細虫。以軟帛拭之。即用  
火焚其絹。如大使用淨桶盛之。急取出虫。烈火煨成  
灰。收入碓內。以雄黃末蓋上。再用尾燈蓋合口。鉄線

札定泥封固埋于遠避絕無人行之處深三尺為度  
瘵虫為患最易傳染。須謹七情六氣酒食虫不得而  
染。若縱欲恣情。精血內耗。虫即外入。勿進瘵疾之家。  
及衣服器物飲食。皆能染觸。或有婦病思男男病思婦。  
一見其面。隨即染傷。不可不知也。  
祛邪伐惡

- 安息
- 阿魏
- 蘇合
- 沉香
- 水片
- 麝香
- 硃砂
- 犀角
- 雄黃
- 蒼朮
- 大黃

以上各藥。皆能祛邪伐惡。或過瘵疾之家。係屬至親。或係醫人。不得已而往者。須將前藥佩於身中。或為丸藥。硃砂為衣。龍元火。邨入口中。勿飲瘵家茶酒。即出遠。取出丸藥。用清水漱口吐之。或倉卒之間。不及配造丸藥。即用大黃蒼朮切片入口。亦可阿魏更佳。或過瘟疫時毒。均當依此法避之。或將大黃為末。拌入烟內。不住薰之。亦可避惡。

吐血

。失血一症。名目不一。茲就上行而吐者言之。三因之

來路宜詳也。若夫外因起見。陽邪為多。蓋犯是症者。

陰分先虛。易受天之風熱。燥火至陰邪為患。不過世

中之一二耳。其治法總以手三陰心包為要領。究其

病在心營肺衛如何。

。若夫內因起見。不出乎嗔怒鬱勃之激傷肝臟。營形

苦志而耗損心脾。及縱慾以賊腎臟之真陰真陽也。



又當以足三陰肝脾腎為要領。再審其乘侮制化如何。

若夫不內不外因者。為飲食之偏好。努力及墜墮之傷。治分臟腑經絡之異。要知外因而起者。必有感候。先裡因而起者。必有內症。可據此三因根蒂。用藥切勿混亂。大凡理肺衛者。用甘涼肅降。如沙參、麥冬、桑葉、花粉、玉竹、川斛等類。治心營者。以輕清滋養。如生地、元參、丹參、連翹、竹葉、骨皮等類。此法為宗。隨其時令而加減。若風淫津涸。加以甘寒。如蘆根、蔗汁、薄荷。

羚羊之品。若溫淫火壯。參入苦寒。如山梔、黃芩、杏仁、石膏之品。若逼氣分。佐骨石、鮮荷葉之開解。在營與銀花、犀角之清芳。秋令選純甘。以清燥。冬令益清補。以助藏。凡此為外因之大畧。所云陰邪為患。難以並言也。舊有麻黃人參芍藥湯。又有桂枝加減法。至於內陰傷損。其法更繁。若嗔怒而動及肝血。隨氣逆者。用繆氏氣為血帥法。如蘓子、鬱金、桑葉、丹皮、降香、川貝之類也。

若鬱勃日久。而傷及肝陰。水火內燃。陽絡者。用柔肝  
育陰法。如何膠、鷄黃、生地、麥冬、白芍、甘草之類。  
若勞<sup>頓</sup>不息。而偏損心脾。氣不攝血者。用溫培固法。如  
保元湯、歸脾湯之類。  
若縱慾而竭其腎真。或陽亢陰騰。或陰傷陽越者。有  
從陰從陽法。如青鉛六味、肉桂七味。並加童便。  
若精竭海空。氣泛血湧者。用急固真元。大補精血法。  
如人參、枸杞、五味、熟地、河車、紫石英之類。

凡此為內因之畧。至於不內不外之因，亦非不種如葉。葉中云：烟辛泄肺，酒熱傷胃，皆能助火動血。有治上中之法，如葶藶湯、甘露飲、茅根藕汁等劑。在人認定而用之可也。

○墜隨之傷，由血瘀而泛。大抵先宜道下，後宜通補。若努力為患，為勞傷之根。陽動則絡鬆，血溢法於虛損。有間滋陰補氣最忌凝滯。如當歸建中湯、旋覆花湯、虎潛丸、金剛四勛丸，取其有循經入絡之能也。

○凡此為不內外因之大畧。但血之主司者。如心肝脾  
三臟。血之所生化者。莫如陽明胃腑。可見胃為血症  
之要道。若胃有不和。當先治胃也。仁齋直指云。一切  
血症。經久不愈。每以胃藥收功。想大黃黃連瀉心湯。  
犀角地黃湯。理中湯。異功散。雖補瀉寒溫不同。確不  
離此者。

○葉案發明。胃方獨多。有薄味調養胃陰者。如金匱麥  
冬湯。及參朮扁豆茯神石斛之類。有甘溫建中湯。及

四君子加減之類。有滋陰而不碍胃。十守津還者。如復脈湯。加減其餘。如補土生金法。鎮肝益胃法。寧神理胃法。腎胃法。腎胃相関法。無分症之前後。一遇胃不加餐。不飢難運。諸候每從此義見長。源源生化不息。何患乎病之不易醫也。

脉訣云

失血諸症。脉必現芤。

緩小可喜。數大甚憂。

畜血在中。牢大却宜。

沉濇而微。速愈者希。

分治方法

寒邪

風溫

冬溫

濕熱

寒熱鬱傷肺

上焦氣分蓄熱

木火升逆擾動陽絡暑熱鬱肺阻竅

暑熱

陰虛

陰虛陽升

陰虛肝風動

陰陽並虛

陰中陽虛

腎胃兼虛

腎胃兼虛

勞傷中氣虛

胃陽虛衛疎

勞心過度陽升

心營熱

胃虛氣逆

血絡庫阻

勞力傷絡

寒邪

形寒暮熱咳嗽震動頭腕中脇骨皆痛。先經嗽紅體  
氣先虛。此時序冷熱不勻。夾帶寒邪致病。得寸口獨大  
宜清解上焦。大忌溫散之劑。

桑葉 蘓梗 杏仁 象貝 玉竹 大炒參

風溫

風溫上受吐血

吐血

五



桑葉 薄荷 杏仁 連翹 石膏 甘草

冬溫

右脉大。咽喉痒。嗆。頭中微脹。此冬溫內浸陽氣不  
伏。絡熱血得外溢。當調其復邪。

桑葉 山梔皮 連翹 沙參 象貝 牛蒡子

溫熱

溫邪上鬱。清空。目赤。頭脹。咳。嗆。見紅。此屬客病。不  
必為內損法。

連翹 黑山梔 草決明 桑葉 薄荷梗 荷葉邊

苦丁茶 花粉 用急火煎

寒熱鬱傷肺

脉瀯咳嗽痰血不時寒熱此邪阻肺衛所致宜葦  
莖湯加杏仁通草

葦莖 苡仁 桃仁 瓜瓣

上焦氣分蓄熱

肛瘍潰膿雖愈陰氣已經走泄時值陽氣弛張發

泄。今加咳嗽吐血。痰多胃納減。食脉數。促喘逆。腕  
悶。姑清肅上焦氣。

蘇子 杏仁 香豉 黑山梔 鬱金 姜皮

降香 桔梗 川貝 兜鈴

木火升逆擾動陽絡

咳逆自左而上血亦隨之先以少陽胆絡法治

生地 丹皮 澤蘭 茯苓 降香末 荷葉汁

耳昏蒙甚於午前。此屬少陽鬱勃之升。嘔惡痰血。

多是絡熱治以開泄莫投滋膩。

桑葉

丹皮

黑山梔

連翹

菊葉

萋皮

川貝

橘紅

鬱金

暑熱鬱肺阻竅

精瘀在絡動絡血逆熱犯肺血湧清空之所諸竅

痺塞肺氣鬱蒸脂液自下仍以氣分輕揚內通法。

連翹

牛蒡子

通草

桑葉

荷葉汁

青菊葉

臨服入生石膏末煎一沸

吐血

七

暑熱 夏熱失血

扁豆 茯苓 參三七 茵草

陰虛 血止脉左大

天冬 生地 人參 茯神 炙草 生白芍

女貞 早蓮草

勞力血復來。衝氣咳逆。當用攝納為要。

熟地 參三七 淡菜 牛膝炭 川斛 茯神

沉着濃厚肝腎之血。

陰虛陽升

熟地炭

炒枸杞

炒歸身

牛膝炭

茯神

青鉛  
砂仁末

日來寒暄不勻。煩勞陽升。咳嗆震動。絡血上沸。診  
脉左數五。心熱。知飢納谷。宜育陰和陽法。

生地

阿膠

天冬

麥冬

茯神

川斛

炒牛膝

青鉛

童便

心腎精血不安。風火陽氣熾。失血眩暈。心悸溺精。  
若過用心恐難復元。

熟地 蔓肉 山藥 茯苓 芡實 遠志

建蓮 五味 海參膠

形色充偉。脉長閑搏。冬季衄血痰血夏不病。蓋夏日藏陰。冬日藏陽。陽不潛伏。升則血溢。降則遺精。乃稟陽體。而性情喜動之累耳。

生地 熟地 天冬 麥冬 龜甲心 秋石

龍骨 遠志

脉殺咳血。曾嚔濕痰。若作肺癰。體質木火。因勞陽

升通肺。肺熱不能生水。陰愈虧而陽愈熾。故由陽  
而出也。當金水同治為主。

熟地 生地 天冬 麥冬 茯苓 龜版

海參膠 淡菜膠 川斛膠 女貞子 北沙參 旱蓮草

向有失血。是真陰不旺。夏至陰生。伏天陽越於表。  
陰伏於裏。衝突逆氣。血如湧泉。任脉失職。腎精肝  
血不守。腰痛足脛。畏冷精奪。下損現症。

人參 熟地 河車膏 茯苓 炒黑杞 北五味



沙苑

紫石英

陰虛肝風動

先有脇痺。已屬絡傷。今夏四月。陽氣升發。絡中血沸。上溢陰分。熱蒸下午。乃甚。喉痺而噎。心中糟雜。是肝風內震。

生地

阿膠

丹參

鹽炒牛膝

女貞

川斛

鬱金

童便

陰陽並虛

早咳逆自焦上冲欲嘔之象。左脇呼吸牽引震動。四肢寒冷。入暮心腹熱灼。舌上乾辣。陽虛外寒。陰虛內熱。陽屬肺氣。主乎外衛。陰屬臟真。主乎內營。由絡血大去。新血未充。谷衛精萃。上得四布。宜固中焦。營衛用養營湯。

人參 茯苓 白朮 炙草 白芍 熟地

肉桂 五味 陳皮 加薑棗煎早服

人參 麥冬 茯苓 五味 炙草 午後服

○陰中陽虛

下虛。當春升之令。形軟無力。嗽血後來。以甘溫厚味。養其陰中之陽。

枸杞 沙苑 歸身 牛膝 巴戟 精羊肉

一陽初萌。血症即發。下焦真氣久已失固。亡血後。飲食漸減。咳嗽則腕中引痛。衝氣上逆。乃下損及中。最難痊愈。宜進攝納法。

人參 熟地 五味 茯神 川斛

紫衣胡桃  
河車膠

○脾胃兼虛

向衰夏令發泄。遇勞身中氣泄。絡血外溢。臟液少  
涸。遂痰咳不已。早進都氣丸。即五味加  
五味子晚服歸脾湯。

人參 黃芪 遠志 白朮 歸身 茯苓

芎藭 杏仁 木香 龍眼肉 炙草

腎胃兼虛

上年冬失血漸形。減氣弱精血內損。不肯再復。延  
成勞怯。填養精血。務在有情。庶幾不奪胃氣。

人參 河車膠 熟地 五味 茯神 山藥

芡實 黑壳連肉

勞傷中氣虛

冲年形瘦腹脹。食減便澆。自上秋失血。日加勞弱。脉左堅右濡。雖陰虛起見。而中焦為急。此非小恙。

人參 茯苓 白朮 炙草 白芍

廣皮 厚朴

胃陽虛衛疎

頻頻傷風。衛陽已疎。而勞怒亦令陽傷失血。當理

陽明胃壯則肝不能犯

人參 黃芪 炙草 煨薑 南棗

脉細促右空大指甲灰枯久嗽人長夏見紅食減

身痛形容日瘁是內損難復宜養營法

人參 炒白芍 歸身 炙草 桂枝 廣皮

煨薑 南棗

脉孔汗出失血背痛此屬絡虛

枸杞 栝子仁 人參 炒歸身 炒白芍 炙草

枣仁 茯苓

失血半年。心悸忡脇下動。絡脉空隙。營液損傷。

枸杞 栢子仁 枣仁 茯神 炙草 桂元

先患失血。復遭驚駭。平素有遺泄。無形神氣交傷。

宜補精安神。靜養心脾。

人參 當歸 茯神 枣仁 遠志 炙草

桂元 龍齒 金箔

切傷過度陽休

診脈左平尺中微動。右關前動數。夜不寐尺帶數。咳嗽有血。行動微喘促。緣煩心勞神。五志皆動。陽不潛伏。衝脈升動。絡中之血未得寧靜。隨咳嗆溢於上竅。用製水生金以製相火。

生扁豆

麥冬

川斛

阿膠

生地

白沙參

診脈同前。心中怯冷。交四更。咽喉中乾。咳嗆連聲。血必盈口。論心營肺衛。皆在上焦。更宜歛心液。滋肺津。

吐血



炒杏仁

生地

天冬

炒麥冬

茯神

炒牛膝

茵草

參三七

臨卧服天王補心丹

○心營熱

舌辣失血易飢。

生地

元參

連翹

竹葉心

丹參

鬱金

○胃虛氣逆

胃虛客氣上逆為呃噫痰帶血星咽中微痛姑宜鎮攝

人參

熟地

五味

茯神

青鉛

麥冬

川斛 遠志炭

益絡痺阻

水寒外。加驚恐。內迫。陰瘧三年。咳血未愈。血來紫塊。其瘧傷驚傷。必是肝絡凝瘀。怒勞必發。勿與酒色傷損。

桃仁 鱉甲 桂枝 歸鬚 大黃 羌蔚子

勞傷身動失血。脇有癥聚。因咳甚。血來。先宜降氣。

蘓子 苡仁 茯苓 黑梔 丹皮 降香

荆芥穗 牛膝炭 藕汁

怒力咳血。胸背悉痛。當用繆仲淳法。

藕子 降香汁 炒丹皮 苡仁 冬瓜心 炒桃仁

牛膝 川貝

肝逆失血。

藕子 鬱金 降香汁 炒丹皮 鈎藤 赤芍

丹參 茯苓 糯米湯煎

。勞力傷

脉数工出。右脇上疼痛。則痰血上溢。必因嗔怒努  
力勞煩。致絡中氣阻所致。

降香末 丹皮 茯苓 丹參 炒桃仁 野鬱金

黑梔 楠紅

婦人情志久鬱。氣逆痰喘咳血。都是五志陽升。况  
腕中有聚氣。二年寡居。隱曲不伸。治在肝脾。

降香末 杞批葉 瓜蒌 黑梔皮 蘓子 鬱金  
片薑黃 茯苓 以仁



咳嗽

咳嗽一症。因五臟之氣。六淫之邪。相感而致也。有聲無痰曰咳。有痰無聲曰嗽。有痰有聲曰咳嗽。雖形狀不一。而總由胃濁脾濕。歸於肺之津液。肺不清而因布生痰。此咳嗽之大畧也。此外又有內因外因。各經傳受。或風寒濕熱所觸。形狀紛紜。必須分辨明確。始能收效。

脈決云

咳脈多浮。浮濡易治。

沉伏而緊。死期將至。治

咳嗽

治法云 初則宜清宜散。久則宜補宜斂。  
寒傷衛陽咳痰。宜加減桂枝湯。以實其表。

桂枝 杏仁 芍藥 炙甘草 生薑 大枣  
風邪阻於肺衛。咳嗽面浮。宜辛散之。

杏仁 藜蘆 桑皮 象貝 桔梗 苡仁  
風鬱咳不止。宜消風熱。

薄荷 前胡 杏仁 桔梗 梔紅 桑皮  
連翹 枳壳

風邪阻竅。煩勞衛疎。痰氣交阻。清竅鼻塞音低。咳嗽  
宜辛以散邪。微苦以降氣。

杏仁 蘇梗 辛荑 牛蒡 苡仁 桐紅

桔梗 枳壳

風溫發熱。咳嗽宜清溫解熱。

薄荷 連翹 杏仁 桑皮 地骨皮 木通

黃芩 炒查肉

風溫上受。咳嗽失音咽痛。

咳嗽



杏仁 薄荷 連翹 桔梗 甘草 射干

風溫客胃。化熱劫燥。胃津喉間燥痒。嗆咳。用清養胃

陰。是土旺生金意。宜金匱麥門冬湯。

門冬 人參 半夏 甘草 大棗 梗米

溫邪外襲。咳嗽頭脹。當清上焦。

杏仁 桑皮 桔梗 象貝 通草 蘆梗

咳嗽痰黃。咽喉不利。此溫邪上浸肺氣不清故耳。

桑白皮 川貝 白沙參 杏仁 兜鈴 枇杷葉

氣分熱熾。頭脹痰嗽。宜清氣分之熱。

連翹 石膏 杏仁 鬱金 薄荷 山梔

濕熱溫邪。阻遏肺氣。嘔咳。腕痞喘滿。皆屬於肺。不明。口鼻受浸。阻氣。宜清中疎導。

鮮杞葉 杏仁 象貝 黑山梔 玳鈴 馬勃

秋暑燥氣上受。先於肺。令人咳熱。當清邪中上。宜以辛涼清潤。

青竹葉 連翹 花粉 杏仁 象貝 六一散

咳嗽

三

暑風咳嗽。頭脹口渴。此暑風襲於肺衛。宜清暑氣。

杏仁 香薷 桔梗 桑皮 飛滑石 絲瓜葉

溫必化熱。薰蒸為嗽。氣隨未清。納谷不旺。宜清熱滲

濕。不致延損。

飛滑石 南花粉 象貝 苡仁 萊豆皮 通草

溫痰阻氣。寒熱汗出。痰多咳嗽。二便不爽。胸脘不飢。

脘左窒塞。宜導濕行痰理氣。

杏仁 萊菔子 白芥子 蘇子 鬱金 姜皮

通草 槲紅

濕熱痰。脉右弦大而緩。形瘦目黃。久嗽聲嘶。而濁水  
谷氣。溼之濕。再加時序之濕熱。壅阻氣分。咳不能已。  
有終身之累。宜清熱滲濕。

蘆根 馬勃 苡仁 茯苓 川斛 通草

以上皆外因咳嗽。以下皆五臟內因。當分別之。

胆火犯肺。兩寸脉大。咳甚。腕悶。頭脹。耳鼻竅閉。少陽  
鬱熱。犯肺。肺燥。喉痒。宜先解木火之鬱。

咳嗽

羚羊 連翹 椀皮 薄荷梗 苦丁茶 杏仁

姜皮 菊花葉

肝犯肺。胃氣左升。腹鬱。嘔吐涎沫。黃水。吞酸。暴咳不已。是肝逆乘胃。射肺。致坐不能卧。宜瀉肝安胃丸。

烏梅 川椒 附子 桂枝 干薑 黃栢

黃連 川棟 廣皮 青皮 白芍

大腸傳肺咳嗽。脉弦右甚。午後潮熱。便溏。畏風。以腸嗽治之。

生於木 茯苓 赤石脂 禹糧石 薑汁 大棗  
肝風咳嗽已久。巔脹喉痺腕瘧。顯是厥陽肝風。宜鎮  
補和陽熄風。

生牡蠣 阿膠 青黛 淡菜

心經咳者。心脉浮洪。心痛候中。介介如梗。甚則咽腫  
喉痺。久則小腸失氣。宜黃連麥冬湯。

黃蓮 麥冬 連翹 梔仁 丹參 茯苓

犀角 唐汁 鬱金 竹葉引

肝經咳者。無痰空咳。肝脈浮弦。兩脇痛。甚則不可轉  
側。轉則兩脇下滿。久則傳於胆。則嘔苦汁。宜加減逍遙  
散。

歸身

白芍

白朮

柴胡

茯苓

炙草

青皮

牡蠣

阿膠

山梔子

薄荷引

脾經咳者。有黃痰。脾脈浮弦。右脰下痛。陰痛引肩背  
痛。甚則不能轉動。動則咳劇。久則胃則嘔虫。宜加減平胃散。

蒼朮

厚朴

陳皮

半夏

枳壳

砂仁

片薑黃、萊菔子、白芥子、茯苓、一查肉、薑皮、突草、  
肺咳者。咳而喘息有音。甚則唾血。久傳大腸。則遺失。  
脉孔瀉。宜補肺散。

阿膠、人參、麥冬、五味、欒鈴、貝母

百合、紫苑、桑皮、蘆根引

腎經咳者。腎水泛痰。色黑。腎脉傳指短瀉。腰背相引而  
痛。甚則咳涎。久則傳於膀胱。而遺溺。傳之三焦。而面  
用柔陽。

咳嗽



肉苁蓉 鹿角膠 歸身 阿膠 龜版 鱉甲

補骨脂 核桃肉 車前 澤瀉

病後咳嗽宜應夢飲

人參蜜炙 核桃連衣三分 干薑三分 大棗二分